

համատեղ կոլեգիայի նիստի ընթացքում: Նիստի ընթացքում որոշվել է այդ հարցով դիմել ԵԱՏՄ դատարան, որպեսզի խնդիրը կարգավորվի դատական կարգով:

ՀԱՇՎԵՔՆՆՈՒԹՅՈՒՆԻՑ ՀԵՏՈ ՏԱՐԿՈՂ ԱՇԽԱՏԱՆՔՆԵՐ

«Հաշվեքննիչ պալատի մասին» ՀՀ օրենքի 26-րդ հոդվածի 6-րդ մասի համաձայն, հաշվեքննության օբյեկտի ղեկավարը ընթացիկ եզրակացությունը ստանալուց հետո՝ 30 օրվա ընթացքում, Հաշվեքննիչ պալատին է տրամադրում ընթացիկ եզրակացությունում ամրագրված անհամապատասխանության, խեղաթյուրման վերացման, առաջարկությունների իրականացման և ընթացիկ եզրակացությանը վերաբերող այլ գրավոր տեղեկություն:

Նշված տեղեկությունը ՀՀ հաշվեքննիչ պալատը ստացել է 2018 թվականի ընթացքում հրապարակված բոլոր ընթացիկ եզրակացությունների վերաբերյալ (բացառությամբ՝ ՀՀ Արմավիրի մարզի Նորակերտ համայնքում հաշվեքննության ընթացիկ եզրակացության վերաբերյալ, որի մասին սահմանված կարգով Հաշվեքննիչ պալատը տեղեկացրել է Ազգային ժողովին և Կառավարությանը) և օրենքով սահմանված կարգով՝ տեղեկատվությունը ստանալուց հետո՝ երեք աշխատանքային օրվա ընթացքում, համապատասխան ընթացիկ եզրակացության հետ միասին ներկայացրել է ՀՀ Ազգային ժողով և ՀՀ կառավարություն:

Այս քայլով գործող օրենսդրական կարգավորումների համաձայն, ավարտվում է ՀՀ հաշվեքննիչ պալատի դերը հաշվեքննության հետհսկողություն (Follow up) բնագավառում: Սակայն Առևտրի բարձրագույն մարմինների անկախության մասին Մեխիկոյի հռչակագրի 7-րդ սկզբունքն ամրագրում է հաշվեքննության հետհսկողության արդյունավետ մեխանիզմների անհրաժեշտությունը, մասնավորապես շեշտադրելով օրենսդրի կողմից Առևտրի բարձրագույն մարմնի ընթացիկ եզրակացության հիման վրա հաշվեքննության հետհսկողության իրականացման և ուղղիչ միջոցառումների ձեռնարկման կարևորությունը:

Հաշվեքննության եզրակացությունների վերաբերյալ հաշվեքննության օբյեկտներից ստացված պատասխանների վերլուծությունները ցույց են տալիս, որ քիչ են եզրակացություններում արձանագրված փաստերի վերաբերյալ համարժեք արձագանքները: Դրանց մի մասն իրենից ներկայացնում է հավաստում հայտնաբերված խնդիրների շտկման վերաբերյալ, մի մասը՝ անդրադարձ, թե ինչու չեն կարող իրականացնել այս կամ այն առաջարկությունը, իսկ շատ դեպքերում էլ՝ ներկայացված եզրակացություններին և առաջարկություններին, ընդհանրապես, անդրադարձ չի կատարվում կամ տրվում են հիմնադրկ բացատրություններ: Այս առումով առավել մանրամասն նկարագրելու համար իրավիճակը, ստորև ներկայացվում են ՀՀ Էներգետիկ ենթակառուցվածքների և բնական պաշարների նախարարության «Բարձրավոլտ Էլեկտրացանցեր» ՓԲԸ-ում կատարված հաշվեքննության (ստուգման) օրինակով մի շարք փաստեր:

Ընդունված անհամապատասխանություններ, խեղաթյուրումներ և դրանց կապակցությամբ առաջարկություններ:

Ներկայացված դիրքորոշմամբ Ընկերությունը, ըստ Էության, պատրաստակամություն է հայտնել քննարկել միայն ընկերության գործունեության արդյունավետությանն ուղղված Հաշվեքննիչ պալատի առաջարկությունները, միաժամանակ հայտնել է, որ Հաշվեքննիչ պալատի առաջարկությունները ընդունվում են ի գիտություն և առկա խնդիրների վերացման ուղղությամբ կկատարվեն գործուն քայլեր:

Ընկերությունը չի ընդունել հաշվեքննիչ պալատի եզրակացությամբ ներկայացված անհամապատասխանությունները, խեղաթուրումները և առաջարկությունները:

Ընկերությունը իր ներկայացրած դիրքորոշմամբ չի ընդունել որոշ անհամապատասխանություններ և խեղաթուրումներ, որը, մասնավորապես, վերաբերվել է Իրան-Հայաստան 400կՎ երրորդ գծի կառուցման ծրագրի հաշվետվողականությանը, վարկային միջոցները օտարերկրյա պետության և միջազգային վարկային կազմակերպությունների կողմից տրամադրված չլինելու անհասկանալի մեկնաբանությամբ:

Ընկերությունը հաշվի չի առնում այն հանգամանքը, որ ծրագիրն իրականացվել է հիմք ընդունելով ՀՀ և ԻԻՀ նախագահների կողմից 2005թ. ստորագրված հուշագիրը, որ Իրանի Արտահանման Չարգացման բանկը պետական բանկ է և ՀՀ ֆինանսների նախարարության կողմից որպես վարկի վերադարձելիության ապահովում թողարկվել է բյուջետային երաշխիք, ինչը բավարար հիմք է տրամադրված ֆինանսավորումը, որպես Իրանի Իսլամական Հանրապետության կողմից տրամադրված վարկ համարելու համար: Միաժամանակ՝ պետական կառավարման մարմիններին ծրագրի վերաբերյալ հաշվետվողականության գործընթացի չապահովման հետևանքով, ծրագիրը դուրս է մնացել պետական վերահսկողությունից, որը հակառակ պարագայում գուցե այսքան խնդիրներ չառաջացներ:

ՎՉՄԲ աջակցությամբ իրականացվող Էլեկտրամատակարարման հուսալիության ծրագրի մասով Կապալառուի նկատմամբ տույժերի պահանջ չներկայացնելու գործողություններն Ընկերությունը պայմանավորել է Կապալառուի հետ 26.12.2018թ. կնքված համաձայնագրով: Նշած համաձայնագիրը կնքվել է պայմանագրով սահմանված աշխատանքների կատարման ժամկետի խախտման օրվանից շուրջ երկու տարի անց, ընդ որում, համաձայնագրով պատասխանատվության միջոցներ չկիրառելու մասով համաձայնություններ ձեռք չեն բերվել, փոփոխությունը հիմնականում կատարվել է վճարումներ ապահովելու նպատակով, ուստի ընկերության բերած հիմնավորումները և արտահայտած անհամաձայնությունը անհիմն են:

Ընկերությունը չի հերքել ներկայացված անհամապատասխանությունները և խեղաթուրումները: Ներկայացված դիրքորոշմամբ Ընկերությունն անդրադարձել է մի շարք վարկային ծրագրերի և գնումների մասնավոր դեպքերի, որով վերջինս չի հերքել անհամապատասխանությունների և խեղաթուրումների կատարված փաստարկները: Արձանագրված խնդիրների ուղղությամբ չի ներկայացվել որևէ գործողություն իրականացնելու մտադրություն, ինչը հնարավորություն չի տալիս գնահատել փաստերի վերաբերյալ վերջինիս դիրքորոշումը և հետագա գործողությունները:

Ընկերությունը չի անդրադարձել ներկայացված անհամապատասխանություններին և խեղաթուրումներին: Ներկայացրած դիրքորոշմամբ ընկերությունն արտահայտել է ընդհանրական պատրաստակամություն անհամապատասխանությունների և խեղաթուրումների ուղղությամբ ուսումնասիրություն կատարելու համար և միայն դրանց արդյունքների հիման վրա օրենսդրությամբ քայլեր կատարելու հանձնառություն:

Ընկերության ներկայացրած դիրքորոշումն, ըստ էության, չի արտահայտում հստակ կարծիքներ, հաստատումներ և մերժումներ, որոշ հարցերով ներկայացվել են միայն անհիմն մեկնաբանություններ և հետագայում անորոշ ու ոչ չափելի գործողություններ կատարելու ցանկություն: Արդյունքում, սահմանափակվում և անորոշ են դառնում ՀՀ հաշվեքննիչ պալատի հետհաշվեքննության գործողությունների, գնահատումների և վերլուծությունների շրջանակները:

Այսպիսով, մի կողմից հաշվի առնելով հաշվեքննության հետհսկողության գործառույթի խիստ կարևորությունը, մյուս կողմից ներկայումս դրա իրականացման համար ՀՀ օրենսդրության ընձեռած սահմանափակ հնարավորությունները, օրակարգային է դառնում գործող օրենսդրական կարգավորումների բարեփոխման հարցը: Այդուհանդերձ, Հաշվեքննիչ պալատի 2019 թվականի գործունեության ծրագրով նախատեսվել է հաշվեքննության արդյունքների վերլուծությունների իրականացում, որի շրջանակներում Հաշվեքննիչ պալատը կփորձի անդրադառնալ նաև հաշվեքննությունից հետո տարվող աշխատանքներին:

Հաշվեքննությունից հետո տարվող աշխատանքը ներառում է նաև ՀՀ գլխավոր դատախազության հետ համագործակցությունը: Համաձայն «Հաշվեքննիչ պալատի մասին» ՀՀ օրենքի 5-րդ հոդվածի 5-րդ մասի պահանջների ՀՀ գլխավոր դատախազությունը հաշվեքննությամբ (վերահսկողությամբ) արձանագրված և տրամադրված նյութերի հիման վրա կայացված որոշումների վերաբերյալ գրավոր տեղեկացնում է Հաշվեքննիչ պալատին: ՀՀ գլխավոր դատախազությունը 2019 թվականի մայիսի 3-ին ներկայացրել է համապատասխան տեղեկատվություն, որն իր մեջ ներառում է 2017-2019 թվականների ընթացքում իրականացված հաշվեքննությամբ (վերահսկողությամբ) արձանագրված նյութերով դատախազական մարմինների կողմից իրականացված գործողություններին:

Մասնավորապես.

- ՀՀ արդարադատության նախարարության դատական ակտերի հարկադիր կատարման ծառայությունում իրականացված վերահսկողությամբ արձանագրված խախտումների և խախտումները հիմնավորող փաստաթղթերի ուսումնասիրության արդյունքում ՀՀ գլխավոր դատախազությունում հարուցվել է 7 քրեական գործ՝ խաբեության եղանակով առանձնապես խոշոր չափերի, ընդհանուր առմամբ 1.379.4 մլն ՀՀ դրամի վնաս պատճառելու և պետական ծառայություն իրականացնող պատասխանատու պաշտոնատար անձանց, այդ թվում՝ ՀՀ արդարադատության նախարարության դատական ակտերի հարկադիր կատարման ծառայության աշխատակիցների կողմից այլ ծանր հետևանքներ առաջացրած պաշտոնեական անփութություն կատարելու, այսինքն՝ այնպիսի հանցավոր արարքների համար, որոնք նախատեսված են ՀՀ քրեական օրենսգրքի 184-րդ հոդվածի 2-րդ մասի 1-ին կետով և 315-րդ հոդվածի 2-րդ մասով:
- «Սևան ազգային պարկ» ՊՈԱԿ-ի մասով արձանագրված խախտումների և խախտումները հիմնավորող փաստաթղթերի ուսումնասիրության արդյունքում ՀՀ գլխավոր դատախազությունում ՀՀ քրեական օրենսգրքի 308-րդ հոդվածի 1-ին մասով և 314-րդ հոդվածի 1-ին մասով հարուցվել է 1 քրեական գործ:
- ՀՀ գյուղատնտեսության նախարարության ՀՀ-ում տավարաբուծության զարգացման ծրագրի մասով արձանագրված խախտումների և խախտումները հիմնավորող փաստաթղթերի ուսումնասիրության արդյունքում ՀՀ գլխավոր

դատախազությունում խախտումների փաստերի 7 դրվագներով կազմված փաստաթղթերը ուղարկվել են ՀՀ Արագածոտնի, Գեղարքունիքի, Շիրակի, Արարատի, Կոտայքի և Վայոց Ձորի մարզերի դատախազություններ՝ ՀՀ քրեական դատավարության օրենսգրքի 180-րդ և 181-րդ հոդվածներով սահմանված կարգով նյութեր նախապատրաստելու հարցերը քննարկելու և հետագա ընթացքը լուծելու համար:

Արդյունքում Արագածոտնի, Արարատի, Գեղարքունիքի, Շիրակի և Վայոց ձորի մարզերի դատախազություններ ուղարկված տվյալներով հարուցվել է 6 քրեական գործ՝ ՀՀ քրեական օրենսգրքի 178-րդ հոդվածի 3-րդ մասի (խարդախության) և 315-րդ հոդվածի 1-ին մասի (պաշտոնական անփութության) հատկանիշներով: Հարուցված քրեական գործերը կարճվել են հանցակազմի բացակայության հիմքով: Միաժամանակ, տավարաբուծության ծրագրի վերաբերյալ բացահայտված թերությունների և բացթողումների կապակցությամբ համապատասխան հաղորդում է ներկայացվել ՀՀ գյուղատնտեսության նախարարություն՝ թերությունները շտկելու և ծրագրի արդյունավետությունը բարձրացնելու նպատակով:

ՀՀ գլխավոր դատախազության պետական շահերի պաշտպանության վարչության դատախազների նախաձեռնությամբ ուսումնասիրվել են ՀՀ վերահսկիչ պալատի կողմից հրապարակված հաշվետվությունները: Մասնավորապես, «Մելորացիա» ՓԲԸ-ում արձանագրված խախտումների և խախտումները հիմնավորող փաստաթղթերի ուսումնասիրության արդյունքում ՀՀ գլխավոր դատախազությունում ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված հանցագործության հատկանիշներով հարուցվել է քրեական գործ:

• ՀՀ Արմավիրի մարզի Նորակերտ համայնքում հաշվեքննության նյութերը ՀՀ գլխավոր դատախազության կոռուպցիոն և տնտեսական գործունեության դեմ ուղղված հանցագործությունների գործերով վարչության կողմից նշված գրությունը և կից փաստաթղթերն ուղարկվել են ՀՀ Արմավիրի մարզի դատախազություն՝ ՀՀ Արմավիրի մարզային քննչական վարչությունում ՀՀ քրեական օրենսգրքի 308-րդ հոդվածի 1-ին մասով քննվող թիվ 57100418 քրեական գործին կցելու և համատեղ ընթացքը լուծելու համար:

• «Հայաստան» համահայկական հիմնադրամում իրականացված ստուգման՝ հիմնադրամի կողմից կահույքի, կենցաղային տեխնիկայի, գույքի, բիտումի և մագուրի գնման գործընթացների վերաբերյալ ՀՀ հաշվեքննիչ պալատից ստացված նյութերն ուղարկվել են ՀՀ ԱԼԾ քննչական դեպարտամենտ՝ հիմնադրամի նախկին գործադիր տնօրենի կողմից լիազորությունները չարաշահելու դեպքերի առիթով հարուցված քրեական գործին կցելու և նյութերում առկա տեղեկությունները ստուգելու նպատակով անհրաժեշտ դատավարական գործողություններ կատարելու համար:

• ՀՀ գլխավոր դատախազություն փոխանցված ՀՀ էներգետիկ ենթակառուցվածքների և բնական պաշարների նախարարությունում, ջրային պետական կոմիտեում և քաղաքացիական ավիացիայի կոմիտեում իրականացված հաշվեքննությունների արդյունքները դեռևս ուսումնասիրվում են՝ խախտումների, այդ թվում՝ հանցագործության հատկանիշների առերևույթ առկայությունը պարզելու և իրավական գնահատական տալու կամ դատախազական ներգործության այլ միջոցներ կիրառելու նպատակով:

մեթոդական և իրավական ապահովմանը, 5-ը՝ անձնակազմի կառավարման հարցերին, և 11-ը՝ ֆինանսատնտեսական գործունեությանը: 2019 թվականի հունվար-մարտ ամիսների ընթացքում 2018 թվականի գործունեության ծրագրով իրականացվող հաշվեքննության ամենվող ևս 44 որոշում է ընդունվել Հաշվեքննիչ պալատի կողմից:

Թափանցիկության և հրապարակայնության սկզբունքի պահպանման նպատակով Հաշվեքննիչ պալատը 2018 թվականի ապրիլի 9-ից գործարկում է պաշտոնական ինտերնետային հետևյալ նոր կայքը՝ www.armsai.am:

Հաշվեքննիչ պալատի նիստերում կայացված որոշումները (բացառությամբ անհատական իրավական ակտերի, հաշվեքննության ու ստուգման առաջադրանքների) երեք աշխատանքային օրվա ընթացքում հրապարակվել են Հաշվեքննիչ պալատի պաշտոնական ինտերնետային կայքում:

Կայքում եղած հրապարակումների պատկերը ներկայացված է ստորև՝ աղյուսակում.

2018թ. պաշտոնական կայքում հրապարակված նյութերի վերաբերյալ	
Բովանդակություն	Հրապարակումների թիվ
Հաշվեքննիչ պալատի որոշումներ	35
Հաշվեքննիչ պալատի նիստերի լուսաբանում	19
Միջազգային հարթակներ և համագործակցություն	16
Թափուր աշխատատեղերի մասին	2
Վերլուծական նյութեր	2
Այլ տեղեկատվություն	8

Հաշվեքննիչ պալատի կառուցվածքային ստորաբաժանումների հաստիքները համալրվում են, ինչպես նաև վերջիններիս ներկայացվող պահանջները սահմանվում են «Հայաստանի Հանրապետության քաղաքացիական ծառայության մասին» Հայաստանի Հանրապետության օրենքով սահմանված կարգով:

Հաշվեքննիչ պալատում հաստիքների առավելագույն քանակը 155-ն է: Հաշվեքննիչ պալատի մարդկային ռեսուրսների վերաբերյալ քանակական և որակական որոշ տվյալներ ներկայացված են ստորև բերված աղյուսակներում:

Աշխատակիցների տարիքային խմբերը

I. Աշխատակիցների տարիքային խմբեր	Քանակ	Տոկոս
1. 30-ից երիտասարդ	14	9.7%
2. 30-40 տարեկան	54	37.2%
3. 40-50 տարեկան	25	17.2%
4. 50-60 տարեկան	31	21.4%

5. 60-ից մեծ	21	14.5%
II. 15 տարի և ավելի պետական ծառայության ստաժ ունեցողներ	58	40.0%
III. Միջին տարիք	44.4	

Աշխատակիցների շարժը

Աշխատակիցների ընդհանուր շարժ (ընդամենը)	55
1. պետական ծառայության հաստիքներում աշխատակիցների շարժ	22
I. պետական ծառայությունից ազատված	14
II. պետական ծառայության ընդունված	8
2. պայմանագրային աշխատակիցների շարժ	33
I. պայմանագրային ազատված	10
II. պայմանագրային ընդունված	23

Աշխատակիցների որակավորման շոքանակը

Որակավորման բարձրագույն մասնակիցներ (ընդամենը)	83	43.4%
- արտերկիր սեմինարներ	3	2.1%
- գնումների թեմայով վերապատրաստումներ	22	15.2%
- պետական /քաղաքացիական ծառայության /	6	4.1%
- GIZ աջակցությամբ MS Excel ծրագիր	32	22.1%
- USAID աջակցությամբ IDEA ծրագիր	10	6.9%
- GIZ աջակցությամբ Գանձապետարանի LSOFT ծրագիր	10	6.9%

Հաշվեքննիչ պալատի պահպանման նպատակով տրամադրվել է շուրջ 1.1 մլրդ դրամ՝ կազմելով ծրագրի 99.6%-ը:

Հաշվեքննիչ պալատի պահուստային ֆոնդի գծով նախատեսված 21.6 մլն դրամն օգտագործվել է 99.8%-ով:

Հաշվեքննիչ պալատի կարողությունների զարգացմանը տրամադրվել է 14.5 մլն դրամ՝ կազմելով ծրագրի 92.7%-ը:

2008 թվականից Վերահսկիչ պալատի անունով ՀՀ գանձապետական համակարգում գործել է «Պետությանը պատճառած վնասի փոխհատուցումից մուտքեր» եկամտային հաշիվը» (հ/հ 900005281515): Նկատի ունենալով, որ ՀՀ հաշվեքննիչ պալատի գործունեության արդյունավետությունը չի չափվում հաշվեքննությամբ հայտնաբերված վերականգնման ենթակա գումարների չափով կամ դրանց գանձումով, պալատն օժտված չէ գանձումներ կատարելու գործառնությունով, բյուջեի մուտքերի ապահովման գործընթացում պալատի դերն անուղղակի է, ինչպես նաև չկա պարտադրանքի մեխանիզմ համապատասխան մուտքերն ապահովելու նպատակով, Հաշվեքննիչ պալատը 2018 թվականի փետրվարին դիմել է ՀՀ ֆինանսների նախարարությանը՝ նշված հաշիվը փակելու կապակցությամբ: Հիմք ընդունելով վերոգրյալը՝ ՀՀ ֆինանսների նախարարությունը փակել է հաշիվը:

Համաձայն «Հաշվեքննիչ պալատի մասին» ՀՀ օրենքի 23-րդ հոդվածի 3-րդ մասի Հաշվեքննիչ պալատի 2018 թվականի ֆինանսական հաշվետվությունները ենթակա են ամենամյա արտաքին աուդիտի՝ մրցութային հիմունքներով ընտրված արտաքին աուդիտորական կազմակերպության կողմից: Մրցույթը կազմակերպել է Ազգային ժողովի աշխատակազմը: Աուդիտի գործընթացն ավարտելուն պես Հաշվեքննիչ պալատը հրապարակելու է վերջինիս արդյունքների վերաբերյալ աուդիտորական եզրակացությունը:

2017 թվականի ֆինանսական հաշվետվությունների վերաբերյալ աուդիտորական եզրակացությունը հրապարակված է Հաշվեքննիչ պալատի պաշտոնական կայքում:

Շարունակվել է Վերահսկիչ պալատի կատարողականի ինքնագնահատման աշխատանքները: Ինքնագնահատումը իրականացվել է INTOSAI-ի կողմից մշակված Աուդիտի բարձրագույն ինստիտուտների (ԱԲԻ) կատարողականի գնահատման մեթոդաբանության հիման վրա (SAI PMF), որը ԱԲԻ-ներին տրամադրում է համակարգ իրենց գործունեության արդյունավետության կամավոր գնահատման համար՝ ԱԲԻ-ների միջազգային ստանդարտների (ISSAI) և հանրային հատվածի արտաքին աուդիտի ոլորտում ընդունված միջազգային լավագույն փորձի համապատասխան:

Նման գնահատումը կնպաստի Հաշվեքննիչ պալատի կարողությունների զարգացման բարելավմանը և գնահատման արդյունքները կօգտագործվեն նաև ՀԴԻ-ի ռազմավարական պլանի, ինչպես նաև աուդիտների տեխնիկական ձեռնարկների մշակման համար, որոնք կապահովեն ավանդական վերահսկողությունից սահուն անցումը աուդիտին:

Ինքնագնահատման արդյունքում կազմվել է հաշվետվություն, որի վերջնական տարբերակի՝ միջազգային հավաստիացում ստանալու ուղղությամբ ներկայումս աշխատանքներ են տարվում INTOSAI Չարգացման Նախաձեռնության (IDI) գրասենյակի հետ: Միջազգային հավաստիացում ստանալուց հետո, 2019 թվականին, Նախատեսվում է հրապարակել ինքնագնահատման հաշվետվությունը և դրա հիման վրա մշակել Չարգացման ռազմավարության նոր հնգամյա ծրագիր:

Հաշվեքննիչ պալատը նպատակ ունի շարունակաբար օգտագործել այս գործիքը, մասնավորապես, 2019 թվականի գործունեության տարեկան ծրագրով Նախատեսել է կրկին իրականացնել արդեն Հաշվեքննիչ պալատի կատարողականի ինքնագնահատում, ինչը կօգնի հստակ հասկանալու, թե որ փուլում է գտնվում Հաշվեքննիչ պալատն իր կատարողականի և առաջընթացի առումով:

«Հաշվեքննիչ պալատի մասին» ՀՀ օրենքի կիրառման արդյունքում ի հայտ են եկել օրենսդրական որոշ «բացեր», որոնք նվազեցնում են հաշվեքննության իրականացման արդյունավետությունը: Բացի այդ, Հաշվեքննիչ պալատն ուսումնասիրել է հաշվեքննության միջազգային ստանդարտներն ու առաջավոր փորձը և արձանագրել է, որ գործող օրենսդրությունն ունի բարելավման կարիք: Այդ կապակցությամբ Հաշվեքննիչ պալատում մշակվել են համապատասխան օրենքներում փոփոխություններ և լրացումներ կատարելու վերաբերյալ առաջարկություններ, որոնք ներկայացվելու են օրենսդիր և գործադիր մարմիններին: